

Тувинский

1 Эң эгезинде Сөс турган. Сөс Бурган-биле кады турган болгаш Сөс Бурган болуп турган. 2 Ол эгезинде-ле Бурган-биле кады турган. 3 Бүгү-ле бар чүве ол Сөстү дамчып чаяаттынган, чүү-даа чүве Ол чокка чаяаттынмаан. 4 Чаяаттынган бүгү чүвеге ол Сөс амыдыралдың үнер дөзү турган, а ол амыдырал кижилер төрөлгөтөнгө чырык апарган. 5 Чырык караңгыда чырыдып турар, а караңгы Чырыкты хөмө ап шыдаваан.

6 Бурганның айбылап чорутканы Иоанн деп аттыг кижилер турган. 7 Ол кижилер Чырыктың херечизи болуп дээш база шупту улус ону дамчыштыр бүзүрезин дээш чедип келген. 8 Иоанн боду – Чырык эвес турган, а Чырыктың херечизи болуп дээш келген кижилер турган.

9 Ол Сөс – бо делегейге чедип келген ёзулуг Чырык болган. Ол кижилер бүрүзүн чырыдып турар. 10 Ол Чырык Ооң Бодун дамчыштыр чаяаттынган делегейде бар турда-ла, делегей Ону танываан. 11 Ол Бодунуң албаты чонунга чедип келген, а олар Ону хүлээп албаан. 12 А Ону хүлээп алган база Ооң ады дээш бүзүрөөн бүгү улуска Ол Бурганның ажы-төлү болуп эргени хайырлаан. 13 Ол ажы-төл бойдустуң чаяап каанындан-даа, кижилерниң хандыкшылындан-даа, эр кижиниң күзээшкининден-даа төрүттүнмөөн, а Бургандан төрүттүнгөн. Бурган Боду оларның Адазы-дыр.

14 Демги Сөс Кижилер апаргаш, бистиң аравыска чурттап турган. Бис Ооң өндүр чырыын – авырал болгаш алыс шын-биле долдунган Адазының эр чаңгыс Огунуң өндүр чырыын көргөн бис. 15 Иоанн Ооң дугайында херечи болуп, улуска мынчаар медеглээн: «Мээң соомдан чедип кээр Кижилер менден кончуг боор, чүге дээрге Ол мээң мурнумда-ла бар тургандыр. Мээң чугаалап турганым Кижилер ол-дур». 16 Биске херек бүгү чүве Ында бар, шуптувус Ооң авыралын бажывыс ажыр четтирип келдивис. 17 Бурган Бодунуң хоойлузун биске Моисейни дамчыштыр берген, а авырал биле алыс шын Иисус Христосту дамчыштыр келген болгай.